



G7 lenirtemi Israel-Iran ceasefire
atemabo tayongzükba magütsü

Aryna Sabalenka-i
Coco Gauff dang tatok meshi



ILR mapa kuma inyaksü NSF temulungtetba nung lir

Dimapur, Aami/June 17

(TYO): Naga Students' Federation (NSF) indang Inner Line Regulation Commission (ILRC) nungi ketdangsürtem nüden April 4 nü senden amenba mapang nünem onük ter memorandum agütsüba maneni nenshir, ta NSF indang ILRC ajanga Nagaland Chief Secretary nem Mongulbarnü tezüluba ka agüja liasü.

Iba memorandum nung Nagaland nung Inner Line Regulation (ILR) mapa kuma shidak inyaksü indang jangja-jangja shia lir.

NSF-i sorkar den rarabangsentsü tebilemba mali, kechiaser tang aliba sorkari Nagaland nung ILR shidak meinyakba nung timtem ajuruba jangja meteta lir, ta NSF ajanga ashi.

Naga nunger loktiliba aser

rongsenketzüng wazüka ayutsü asoshi Inner Line Pass system tajungtiba nung mapa kuma inyaksü nüngdaker ta NSF tangatetba lir. Iba yongji aser talisa Naga nunger tarutsü putu asoshi NSF timtem arema nokdaksü temulungtetba nung lir ta parnoki Chief Secretary dang ashi.

Maneni sorkari nungdakra akokba lenmang nung yariteptsü renema aliba lemsateper.

Nagaland nung ILR ozüing ajak shidak amshidaksütsü atema NSF indang-indanga nokdaka lir aser iba nükjidong tongtettsü asoshi nüngdakba mera ajak agütsü.

Anungji iba memorandum nung shia aliba ama mapa inyakba osang lemsateptsü ayongzüker, ta NSF indang ILRC ajangasa ashi.

Khamenei kong aliar US-i meteta lir: Trump

Washington, Aami/June 17

(Agencies): Mongulbarnü US Tir Donald Trump-i Iran lenirtem dang Supreme Leader Ayatollah Ali Khamenei ya kong aliar United States-i tejangja meteta lir aser pa tepsettetsü, saka tang atemabo yamaji meinyaksü, ta tekum dangtsü ashi.

Trump-isa Iran dang condition kecha makai bendanga agütsütsü ayongzüker amai ashi, aser pai yamaji ashiba ajanga Israel-i Tehran lenir aser nuclear sites nung amakba nung US adentsü akok ta bilemer.

Truth Social nung pai sangdong balala agütsüba nung, "Nenoki "Supreme Leader" ta ajasang kechi nung aliar onoki tejangja meteta lir. Pa dak tenük yoktsü mela-melar, saka yangji kumzüka lir - Onoki tang atemabo pa magütsü (metepsettsü)," ta Trump-i zülua liasü.

Trump-isa US-i civilian mesüra American sepai dak missiles meyokdaksüner aser onoki aremzüka samaa otar ta ashi.

Ano kasa sapang nung, "Tang onoki Iran madak anüing ajunga azioka lir. Iran nung sky trackers aser danga defensive oset tajung jenti lir, saka America nungeri yangluba den medemdangtsü makok. USA dang tajungba shingia meinyakteter," ta pai zülua liasü.

Iba sülen post ka nung Tehran dang condition makai

bendanga agütsütsü khanga liasü.

Mongulbarnep Air Force One nung mener osangbener den jembidang, Israel aser Iran tsüngta rara asangsang nung temdaksütsü nükjidong lir aser ibaji khen atema ceasefire masü, ta ashi.

"Ni ceasefire ka bushir masü, ceasefire dang tajungba ka bushir," ta pai Canada nung G7 senden nungi meyipa shilangba mapang ashi.

"Ceasefire masü, asangsang nung tatembang ka bushir aser Iran-i jungjunga yutsütsüla," ta Trump-i ashi. Tir-isa Iran dang region nung US sepai mesüra assets mamaksü tekum dangtsü shia lir.

Israel aser Iran tsüngta tanen makai maktepba mapang Trump ya anogo ka jelia G7 senden yutsür ao. Israel sepaitemi Iranian military aser nuclear targets nung tanen makai maka arur aser Iran-ia telangzüba agüja missiles khaloktsür. Iba rara tenzüker anogo pongu jungogo.

Israel military operation nung US adentsübo Trump-i tejangja mashi aser mezüing amakba mapang Washington shilem agia mali ta ashir.

Iran indang Revolutionary Guards temi Mongulbarnü ashiba agi, parnoki Israeli air bases nung tenük yoker missile amshia asendenshir amak, aser item tesemtem amshia Iran dak amaker ta ashi.

Nagaland nung PM Scholarship atema ST kaketshir 41,000 jangjateta lir

Kohima, Aami/June 17

(TYO): Post-Matric Scholarship (PMS) kübok academic session 2024-25 asoshi Nagaland nung Scheduled Tribe (ST) kaketshir 41,793 jangjateta lir, aser parnok nem scholarship agütsütsü sen ajak agi 56.38 crore alitsü.

Directorate of Higher Education, Kohima nung tanü osangbener den jembidang scholarship atema Officer on Special Duty (OSD) Keduosielie Keyho aser Tol Pucho nati ashiba agi, tang mezüingbuba scholarship ya National Scholarship Portal (NSP) ajanga lemshitsütsü aser taoba mapang 'partial, instalment-based payments' melentsü.

Ministry of Tribal Affair ajanga totuyuba agütsüba ama aser senotsü nung timtem aliba mechi tangbo system ajanga phase lemsar 'one-time full payment' agütsütsü, ta Keyho-i ashi.

Phase mezüingbuba nung central aser state share sen 30.70 crore lir aser ibaji kaketshir 22,000 nem agütsütsü, koba tejangja

applicants shilem 53 shi asütsü. Iba batch nung kaketshir shia nem khen nungi sen ajak angutsü.

Ministry of Tribal Affairs nungi senotsü tali anguba sülen phase tanabuba lemstsü tenzüksü. Tarutsü nung senotsü agütsütsü asoshi phase mezüingbuba indang utilization certificate (UC) mapang shidak nung agütsütsü tongtipang lir, ta ashi.

Applicants 41,793 nungi NSP system ajanga 30,451 jangjaago. Ajisüaka Aadhaar seeding aser eKYC maliba mechi applicants 11,342 magizük. Item kaketshir dangi 'auto-generated SMS' yokogo, anungji iba SMS angur temi nüngdakba mera agütsü ayongzüker, ta ketdangsüri ashi.

"Aadhaar seeding maliba tetetzü scholarship mali. Onoki iba indang osang aiben metetdaksüögo, aser phase tanabuba metenzük dang item maparen inyaksü mapang lir," ta Keyho-i ashi.

Scholarship ya course agiba nung ajemdaker telok pezü lemsa lir - Group 1: PhD aser Professional Courses, Group 2:

Postgraduate aser Bachelor's Degrees, Group 3: Diploma Courses aser Group 4: Class 11 aser 12.

Kaketshir shia scholarship ya pei academic category nung aliba ama angutsü, aser income certificate jangjayim online ajanga inyak. Metokmeperi lira, candidates temi tekeraba nung metetdaksütsüla aser documents shidakba tanaben agütsüdaksütsü, ta pai ashi.

State-i agütsüba Merit Scholarship ya centre-i teyari agütsüba PMS den balala, aser maneni agütsütsü, ta OSD ajanga ashi.

State sorkar teyari nung aser All Nagaland College Students' Union aser Eastern Nagaland College Students' Union ama kaketshir tentet temi shilem agia department-i scholarship ya ochishia, mapang shidak nung digital dangi melentsü temulungtetba nung lir, ta ketdangsüri ashi.

"NSP aser Aadhaar nung ajemdaker scholarship agütsüba ya temelenshi ka dang masü, saka Government of India-i tuyuba lir aser ibaji ajanga tajungba nung ochishia inyaktettsü," ta Keyho-i ashi.

Union Minister Dr. Jitendra Singh-i Wokha nung DAJGUA campaign tenzüksü

Dimapur, Aami/June 17

(TYO): Union Minister of State, Dr. Jitendra Singh-i June 17, 2025 nü Wokha district nung Dharti Aaba Janjatiya Gram Utkarsh Abhiyan (DAJGUA) semzüka terenlok balala aser tarutsü putui nüngdakba nung mokongshii tang nüngdakba peritsü asoshi tribal nisungtem nem tashi agütsüba tsütsü tongtipang mera agiogo.

Iba sentong ya Wokha Village nung agi aser district tesem ajunga nung awareness aser benefit saturation campaign tenzüker, koba June 17, 2025 nungi July 2, 2025 tashi alitsü.

Multipurpose Hall, Wokha Village nung lokti adenshia alidak jembidang, Ato Kilonser Narendra Modi lenisüba kübok Government of India ajanga Northeastern region nung terenlok maparen nung tapok aliba nung apu latsütsü temulungtetba indang Dr. Singh-i lemsatepa liasü.

Tang aliba sorkari küm 11 yimsü süa arudang lenmang tesendaktep, healthcare, education, technological innovation aser rural

infrastructure nung tongtipang takoktem pai lemsatepa liasü.

Mapang talanglang rongsenketzüng nung temelenshi tajung alitsü asoshi yimtsüing sasep nungi tenzüksü nüngdaker aser Northeast indang biodiversity aser ali rongsen ka tongtipang rongsen lir aser item yagi linük lenla balala nung ainba nung yariteptetsü, ta pai ashi.

India nunger nüchiso meshiba nunga region-i shilem agiba pai athishia nüburtem dang tejak tenteta terenlok maparen nung shilem tajung agütsü ayongzüka liasü.

Dr. Singh-i Wokha nung tetsür tem lenisüba nung maparen balala inyakba tetshia jembi aser tetsür temi anir inyakba maparen nung yariteptsü ayongzüka liasü. Pai aluyimba aser horticulture nung technology amshitsü ayongzüker, aser ibaji ajanga yimdak-yimtsüing nung alir takum jenjang ajungkettsü ta ashi.

Iba sentong nung shilem ka ama Union Minister-i libajen meraksai yimya balala nung aluyimba mapa inyakdaksütsü

ajungmesoa süngdang tetong lema agüja liasü.

Iba sentong nung Additional Deputy Commissioner, Wokha, Renbomo Ezung menden liasü aser Wokha Village Council tir, Wokha Village Eloee Ekhung tir aser Wokha Village Students' Union tir temia o tatsütsü jembia liasü.

Iba awareness aser saturation campaign yagi Wokha district nung blocks tenet kübok yimtsüing 53 ayimjema sorkar indang scheme balala indang nüburtem nem angatetdaksütsü.

Ministry of Tribal Affairs, Government of India ajanga flagship program ka ama semzükbba Dharti Aaba Janjatiya Gram Utkarsh Abhiyan (DAJGUA) ya India tesem balala nung tribal nisungtem alidak ajak awajema terenlok adokdaksütsü nükjidong nung lir.

Iba sentong yagi states aser union territories 30 nung aliba blocks 2,911 aser districts 549 kübok yimtsüing 63,843 awajemtsü. Iba sentong ya central ministries 17 teka amteper inyaker.

Mokokchung nung DAGJUA amenokogo



June 16 nü Ungma Council Assembly Hall, Mokokchung nung Dharti Aaba Janjatiya Gram Utkarsh Yojana (DAJGUA) kübok Saturation & Awareness Camp amenokba sentong agiba mapang tangokba noksa nung angur.

Dimapur, Aami/June 17 (TYO): Dharti Aaba Janjatiya Gram Utkarsh Yojana (DAJGUA) kübok Saturation & Awareness Camp amenokba sentong June 16 nü Ungma Council Assembly Hall, Mokokchung nung agiogo. Iba sentong nung Deputy Commissioner Mokokchung, Ajit Kumar Verma, IAS alakteta jaoker liasü.

Sentong nung o jembiba mapang DC Mokokchung-i ashiba agi, Saturation & Awareness Camp ya Ministry of Tribal Affairs, Government of India sentong ka lir, koba tribal tem aliba tesem lenla ajak nung terenlok atema rangloker benokba lir aser iba ya June 15 nungi 30 tashi benoka inyaksangshitsü.

Paisa, sentong benoka inyakba mapang department balala indang service tem sayatsü aser department-i agütsüba welfare schemes aser tajangzüktem nüburtemi indang indanga agitettsü, ta ashi.

DC-isa, yimdaklirtem nem iba campaign indang metetdaksütsü nüngdakba lemsatep, ajita asünungdang nisung ka danga mezütoktsü, ta ashi. Pai, district nung DAJGUA campaign takok ngua benoktsü atema village council, stakeholder tem dang teka amteper inyaksü mepshia liasü.

Iba campaign amenokba sentong nung Ungma, Longkhum, Mangmetong, Kupza aser Longsa yimtsüngtem nungi lenirtemi shilem agia liasü.

Sentong nungsa Ayushman Bharat Card indang LDA, Chief Medical Officer's Office, Mokokchung Takotemjen Longkumer-i metetdaksü, Soil Health Card indang District Soil Conservation Officer Mokokchung Ruokuosietuo-i aser Financial Inclusion indang Lead District Manager, Mokokchung L. Simon Peter-i tangazükba agüja liasü.

Iba sentong ya Ajay Moktan IAS lenisüba nung agi aser Associate Pastor Ungma Baptist Church T. Chuba Jamir-i Tsüngrem temaotsü meshizüka sarasadema liasü. Maneni lokti pela agizükba o aser tepela o EAC Ongpangkong, Sangpangchang Longkumer aser BDO Ongpangkong North, Kazupokba nati jembia liasü.

Kohima nung anti-drug awareness sentong agi

Dimapur, Aami/June 17 (TYO): Kohima District Administration aser Kohima District Nasha

Mukt Bharat Abhiyan (NMBA) Committee na longiemer GHS, Chandmari, GMS, Merhülietsa aser GHSS Jotsoma ta sorkar school tem nung "Pledge Against Drug Abuse & Awareness Program on Substance Abuse Primary Prevention" sentong ayongzüka agiogo.

Lanurtem temesepba mozü achiba ajanga lokti nung timtem adokdaksüba anema nokdaksü asoshi tangzükba agütsütsü aser iba anema raratsü asoshi lokti mulungtetdaksütsü nükjidong nung iba sentong ayongzükogo.

Government Higher Secondary School (GHSS), Jotsoma nung shisalen sayurji Youth Mission nungi Dr. R. Rose liasü. Iba centre yagi comprehensive addiction treatment aser recovery service agütsür.

Dr. Rose-i pa mapa nung tajangshibatam indang lemsatep aser ashiba agi, temesepba

mozü achiba yimya sübaba ya moral failure ka masü saka chronic ka, relapsing disease aser iba atema teti anepalua alitsü nüngdaker. Paisa, asangur chanutemi mozü achir aika akümba süoki ia bilemba lemsatep. "Addiction yagi arishi küm mesüra education kecha hau ta mali. Kü den kaketshirtem, lanur professional tem aser asangur chanu küm 16 pur dena lir," ta pai ashi.

Dr. Rose-isa, Yaba, Spasmo Proxyvon, cough syrups, crystal meth, aser sunflower achiba tali akümba aser iba dak lendong keta aliba indang jembia.

Paisa, client temi anogo ka nung cough syrup bottle 10 tashi ajemba aser kari temesepba mozü nung anogo nung sen 2000 tashi intokba indang

ajangshibatam lemsatep. Pai, kaketshirtem dang telemtetba taika agiba ajanga taküm ajunga melenshitsü ana nung lir ta shia lenmang shitak shimtsü ajungshi.

Sentong nung shilem ka ama Sub-Divisional Officer (Civil), Kohima Sadar Rorheu Pesieye-i achaayanga NMBA tenangzüktepba agi aser Youth Anti-Drug tenangzüktepba ya S.I. Thungchamo Mozhui, 2nd Officer-in-Charge, South Police Station, Kohima-i achaayanga agi.

Sentong nungsa signature campaign ka agi, Neivakrano Zashumo-i sarasadem aser Class 12 kaketshirtemi ken tajung ka tena liasü. Iba sentong ya Walo lenisüba nung agia liasü.

Longleng Deputy Commissioner-i metetdaksür

Dimapur, Aami/June 17 (TYO): Deputy Commissioner Longleng, W. Manpai Phom NCS-i sangdong ka ajanga, District Level DISHA Committee senden June 18 nü 1:00 ako

nungi tenzüka DPDB Hall, Longleng nung amentsü ta metetdaksüogo.

Anungji iba senden nung züngsem ajak tamakok maludaksüi arua shilem agitsü asoshi DC-isa metetdaksüogo.

Kohima nung June 21 nü nübutokamerekmeju mapa inyaksü

Dimapur, Aami/June 17 (TYO): Kohima Deputy Commissioner B. Henok Buchem, NCS-i sangdong ka ajanga Kohima district nung June 21 nü nübutoka merekmeju mapa ka inyaksü ta metetdaksüogo.

Honibarnü anepdang 7:00 ako nung iba merekmeju sentong tenzüksü. Iba sentong ya merekmeju alitsü ajungmesotsü aser lokti nem shilem agidaksütsü nükjidong nung ayongzükogo.

Kohima headquarters kübok DC Office aser tanga District Office tem ayimjema inyaksü atema mapa lemstüogo. Office tekolaktem dang pei team tem iba sentong nung yakyaka shilem agitsü atema renema atatsü metetdaksüogo.

Merekmeju sentong nung shilem agir ajaki tenüngdakba hadirtem bener arutsü aser Jana bendena intoktsü melatsü atema juli tulu bener arutsü metetdaksüogo.

Team lenirtem dang jana bendena intoktsü atema gari aser machinery anepalurtem den teka amteper inyaksü tetuyuba agütsüogo. Iba inyakyim ya June 20 nü tashi nungbo tembanger alitsü. Jana bendenbatem Meriema nung Kohima Municipal Council (KMC) dumping site nung intoktsü.

Office tekolaktem dangsa mapa tembangba sülen pei tata tesem nung jana nangdena meyutsütsü atema jenjang tapet agitsü metetdaksüogo.

Merekmeju sentong nung shilem agirtem attendance ya office tekolaktemi agia iba anogosa Deputy Commissioner nem agütsütsüla.

Outpost tem nung Administrative Officers tem dang parnok kübok yimtsüng aser jilatem nung kasa merekmeju sentong ayongzüka agitsü metetdaksüogo.

Kasa mapang nung Kohima Municipal Council mendenbuba dang ward councillors tem den angatettepa municipal area kübok colony ajak iba mapa asoshi ayongdentsü mepeshia metetdaksüogo.

KMC Chief Executive Officer dang, TCP Gate nungi Keziekie tashi maparen achaayangtsü atema Kohima Chamber of Commerce and Industries (KCCI) nem nongloksütsü tetuyuba agütsüogo. Iba tesem nung business establishment tem ajaki shilem agitsüla aser pei dokan kima mereka ayutsüla.

Additional Deputy Commissioner of Kohima, Ruopfukuotuo Noudi (Contact: 8731815626) lenisüba nung iba merekmeju sentong agitsü.

Bhandari SDPDB senden menogo

Dimapur, Aami/June 17 (TYO): Ita shia amenba Bhandari sub division SDPDB senden Summer House-Cum-Guest House, Bhandari, Wokha nung June 17 nü menogo.

Additional Deputy Commissioner aser Vice Chairman, SDPDB, Bhandari, Longasen Lotha NCS shiba lenisüba nung iba senden mena liasü, pai züngsem tasentem pelashishia agizük aser taoba senden nung sensak asembatem lephsia metetdaksü.

Senden nung H. Lawrence, Deputy Director, Nagaland State Seed Farm, Merapani, Wokha-i, house dang Deputy Director Seed Farm, Merapani office ajanga taoba hopta ishika tsüngda, State Seed Farm nung status quo benoktsü aser ken o kar danga adokra ken o dak sendaka aliba ketdangsürtem den tongteptsü atema farm nung alirtem, lokti tentet lenirtem aser telok balala nem tangzükba agütsütsü asoshi awareness sentong balala ayongzüka agiogo, ta metetdaksü.

Paisa, tetsükdaksü aika liaka state nung aluyimertem nem metsüjangnatsü tajungtiba agütsütsü atema department bendanga agütsür lir, ta ashiba den iba tesem nung yimjung asoshi ayongzükogo, koba ajak

asoshi tajangzük asütsü.


Deputy Director-isa, State Seed Farm ya 1969 küm amenokba sülen nungi electricity makai inyaksangshia arudar aser iba ajanga farm junga inyaksangshi mesüteter ta shia, seed farm nung tetsükdaksü aser tebilemstütem bentettsü atema power supply agütsütsü atema ken o dak sendaka aliba ketdangsür nem temepishiba ka agütsü.

Nagaland State Seed Farm, Merapani nung tensa azüoka ayutsü atema timtem agütsürtem bushiteta Bhandari aser Merapani Police Station nem bendanga agütsütsü atema house-i sensaksema liasü.

ADC aser Vice Chairman SDPDB, Bhandari-i anir house-i, tetsükdaksü aika liaka sub-division nung service tajung agütsüba atema electrical department nem tenüngsang agüja liasü.

Kasa mapang nung SDO (Civil) Ralan, Tsenthungo E. Ngullie-i, Ralan SDO (Civil) tang teyangludak aliba ya imlaba ama mapang shitak nung inyaka odor, ta ashi.

Veterinary department, Merapani dang taruba senden nung department inyakyim indang metetdaksütsü nongloksüogo.



India nunger dang Tehran nungi ainshitsü tuyu

Ahmedabad tayimtsü tsükokbalendongnung asür 162jangjaogo

A photograph of a white IndiGo aircraft on a runway. A blue metal structure, resembling a staircase or a loading platform, is positioned over the cabin door. The aircraft has the IndiGo logo on the tail and the name 'IndiGo' on the fuselage. The background shows a clear sky and some greenery.A photograph of a white IndiGo aircraft on a runway. A blue metal structure, resembling a staircase or a loading platform, is positioned over the cabin door. The aircraft has the IndiGo logo on the tail and the name 'IndiGo' on the fuselage. The background shows a clear sky and some greenery.

Kasa mapang nung Indian
Embassy-i achaayanga India
nunger kaketshirtem Tehran
nungi aninogo, ta MEA-i
metetdaksü. Ministry-isa, pei
gari aliba India nungertem dang
Tehran toktsür aotsü tetuyuba
agütsiogo.

June 12 nü Sardar Vallabhbhai Patel International Airport nungi 1:39 ako nung Boeing 787-8 Dreamliner ka nung nisung 242 mener apuso saka mapang tatsüka dang medical college complex nung chioka liasü. Lendong nung tayimsü nung mena alir nisung 241 asü aser sayatenya nung ka kümzüka liasü. Ano MBBS kaketshir pongu densema alir nunga nisung 29 asü.

Assam: Gas leak asüba agi kongshir-tem nem teyari sen 25,000 agütsütsü

"ONGC-i ashiba agi, parnok nungi mongintem jaokatokogo gas leak asüba ya takjaratiba nokdangtsü imlar. Asen o secretary-i Union petrol secretary dena sensaksemogo pai takok tashi jenjang ajak a tenangzükba agütsüogo," ta p shisem.

Chief minister-isa, lendong
kongshir alirtem nem
nenok agütsütsü atema
tüka lir tatongi inyakteptsü
r tang atemabo gas leak
ba nokdangtsü ya ajak dang
gtibangtiba lir, ta ashi.

"Nüngdak dang süra state
kari sentotsü teyari talila
itsütsü aser ni iba tesem
aben semdangtsü," ta pai
i.
(*Maneni tapak 8 nung...*)

Form No. 3

[See Regulation-13(1)(a)]

DEBTS RECOVERY TRIBUNAL GUWAHATI
Suwana Bhawan, House No. 12, New
Town Path, near Hanuman Mandir, G. S.
Road, Ulubari, Guwahati- 781007 (Assam)

Case No.: OA /20/ 2025

**Summons under sub-section (4) of
section 19 of the Act, read with sub-
rule (2A) of rule 5 of the Debt Recovery
Tribunal (Procedure) Rules, 1993.**

Exh. No.: 5040

BANK OF MAHARASHTRA
-Vs-
M/S ROAD HOUSES & Anr.

To,
(1) M/S ROAD HOUSE
PRIORIOTR MR. TOKAISUMI, 1ST
FLOOR, H.NO. 1, PURANA BAZAR
DIMAPUR, DIMAPUR, NAGALAND-797112
(2) TOKAI SUMI
C/O LT KIYETO SUMI, HOUSE NO. 75,
ORIENTAL COLONY, PURANA BAZAR
DIMAPUR, DIMAPUR, NAGALAND-797112

JAOKER

Hon'ble Presiding Officer / Registrar
matsungdang OA/20/2025 ya
10.06.2025 nu benoka jembi.

Anungji iba Hon'ble Tribunal ajanga
shia aliba Application dang Act indang
section 19(4) kùbok sentsùsh sen
30,12,750.60/- (application along with
copies of documents etc. annexed)
mehsitsù asoshi OA benoka aliba
ama jaoker.

Act indang section 19 indang sub-
section (4) nung shia aliba ama na
defendants ka ama tsùnglangsh shia
aliba inyaktùs totuyuba agùtsùr:-
(i) Jaokba **osang sangdonger**
anogo 30 tsùnga nu nem kechiba
relief magùtsùtsùto, aji show cause
asùtsùla;

(ii) applicant ajanga original
application indang serial number 3A
kùbok tejanga shia aliba ki o jen
aser rongsen dak aliba dangka ki o jen
aser rongsen sangdongtsùla;

(iii) ken o tembanga mejembi tashi
original application indang serial
number 3A kùbok shia aliba rongsen
aser ki o jen mesùra iba amala assets
tem agùtsùtsù mesùra amshitsù
memelar;

(iv) security interest aliba aser
mesùra dangta assets aser ki o jen
original application indang serial
number 3A kùbok shia aliba tem
Tribunal nungi jelia temelaba magie
mayoktsù, magùtsùtsù mesùra
yangji mapa kecha neminyaktùsùla;

(v) secured assets mesùra dangta
assets aser ki o jen ayokba nungi
aruba sen magitsùla aser item
yokzùkba sen ya security interest
aliba bank mesùra financial
institutions nung lapoka aliba account
nung inoktsùla.

Ano tezùluba nung sangdong ka den
iba indang copy ya applicant nem
agùtsùtsù aser Registrar
matsungdang 22/07/2025
anepdang 10:30 ako nung arua
nomdajtsù metetdaktùsr aser
yamaji meinyakra, na meliaka ken
o jembia telemtetba agitsù.

**Given under my hand and the
seal of this Tribunal on this date:
11/06/2025.**

**Registrar, Debts Recovery
Tribunal, Guwahati**



क्षेत्रीय शिक्षा संस्थान, भुवनेश्वर
REGIONAL INSTITUTE OF EDUCATION, BHUBANESWAR
 (National Council of Educational Research & Training)
 Sachivalaya Marg, Bhubaneswar - 751022

Advt. No.524
Dated: 16/06/2025

Addendum/Public Notice vide Advt No.515, Dtd. 27.05.2025

This is with reference to **Advertisement No. 515, dated 27.05.2025**. It is to inform to all concerned that the last date for submission of Online Application Form for Common Entrance Examination (CEE)-2025 has been extended from **17.06.2025 to 19.06.2025**. Interested applicants must complete the online application process including the payment of application fee on or before **19.06.2025 (11:55 PM)**.

Note: All other terms and conditions as mentioned in advertisement dated 27.05.2025 remain unchanged. Corrigendum, if any, on this advertisement will be issued on CEE-2025 online application portal.

The applicants are advised to keep visiting the CEE-2025 online application portal and websites of RIEs for latest updates.

For any queries/clarifications, applicants can call on the helpline no. 022-61306271 or write to CEE at ceesupport2025@riebbs.ac.in.

PRINCIPAL



TIR YIMYIM YIMOBILEM (EDITORIAL)

DIMAPUR

RASEMNÜ

AAMI 18, 2025

Tebendangtsür maliba rara

Russia aser Ukraine na tsünga rara adoker manentet mapang talangka raraa arudagi saka tetsünga nung US-i kin ana tsünga rara anentsü atema tangatettep kati arudaktsütsü merangba angur. Kasaji, India o Pakistan na tsünga teraradak nunga US-isa tetsüngdai aita rara anendaktsüba angashiogo. Ajisüaka, tang Israel aser Hamas telok na teraradak nung Israel o Iran na tsünga tongpang rara tesashi tenzükba yabo tetsünga nung tebendangtsür mali, mekümdangra, iba rara yagi alima tongpang rara tasembuba tenzüka aotsü ana nung dang lir. Alima tongpang rara anaben tashi ataloka teraksa aser tesama tulu ajuruba sülen 1945 küm October 24 nü alima kintem tangatettep aser yimjung nung alitsü asoshi United Nations (UN) tenzük. Iba alima kintem telongjem tenzükba nung tongti shilem agirtemji China, France, Soviet Union, United Kingdom aser United States nungertem liasü. Aji oda, UN tenzükba ajanga alima yimjung aser tesünep asoshi sentong tapu balala tenzüka alima nung nübortem ajak ajangzüksü asoshi inyaka arudagi. Ajisüaka, UN asoshi tamakok kaji tang amai alima kin o kin na tsünga rara adokdang UN tashi amshia yimjung asoshi takok ngua inyakba angur. Atangji, tang ama kin o kin na tsünga rara atokdang UN senden lia ken o benoka lemsateper aser rara anendaktsütsü indang jembir. Ajisüaka, kin o kin na tsünga rara anendaktsütsü asoshi UN senden nung ken o benoka jembidang, aiben kechi tai aser kechi shitak ta bilema jembir masü saka shir shitak aser shir tai ta asübalen dang jembia vote agiteper. Iba jagi kari kin ka asemer aser ka aitsür aser ano kari kin ka asemer aser ka aitsür aser ano kin karibo shilem magir ta rara anendaktsütsü asoshi yimjung o jembitsü bilemdangtsü melen vote agiteper senshir. Iba jagi alima kintem rara nung UN shilem magitet timtemba angur. Aji oda, tanü alima kintem asoshi tebilemtsü tulutibaji alima nung rara adokba dang nungibo rara bendangtsür maliba tebilemtsü ya asütsü. Atangji, alima nung kin o kin na raratsüba ya kecha menügdaker, ajisüaka kodang kin kati kin ka tashiyim agi amokbangtsü merangdir mesüra ali raktepba tsütsü mesüra tamangba yimsü tsütsü kiralongraba mapa inyaka tangar tsübudakja amokmerendir, idangjibo katia katia maremzüktettsüsa akümer. Iba ama tensa tia nung tetsüngdai ia yimjung yanglutsütsü asoshi UN sabang ya tenzük. Ajisüaka, UN sabang ajanga kin o kin na tsünga rara nung tebang mietetba kuliji UN nung tekolakji kin tila nem bendaktsür saka tashibo kin tulutem ket nung lir, anungji kin tului shilem agiba rara nung UN-i tashi mamshiteter. Aji oda, tang rara nunga Ukraine-ji US-i asemer aser Russia-ji China-i asemer, anungji ana tsüngdajia tebendangtsür mali kati makok tashi raratsüsa akümer. Kasaji, tang Israel aser Iran na tsünga rara nunga US, UK aser France kintemi Israel asemer aser külen China aser Russia kintemi Iran asemer, anungji rara ya manentet talangka ao nungbo kopi melii rara ya Israel aser Iran na tsünga masü saka alima kintem rongnung ana küma lemsar alima tongpang rara tasembuba küma raratsüsa akümtsü. Tang ama rara yabo, atangji, tetsübutsüka kechiyong alima kin tashitemeteter aser takartem ket nungbo alima kin ajak khi nung samatsütsüsa tashi tulu aketba bomb aser mopong nung yokba mim mozü agi yangluba injang bomb dena yanglur alitsü. Item terasaktsüba bomb-tem amshia kodang alima mapayui raksatsütsü tenzükdir, tanübo asenokbo jenbua alir ama saka asenok ama rara nung madenba kintema takoksa aser tesama tuluka ajurutsü. Iba ama tensa mapang ka nung UN nung lenirtemi koba kin tai aser koba kinbo shitak ta masü saka alima kintem ajak asoshi kechi shitak aser kechi tajung aji bilemdanga raraba kin o kin na tsünga teindang o bener aitsü nüngdaker. Iba jagi dang raraa anendaktsütettsü. Aji oda, UN nükjidong tongteta alima kin o kin na, talisa Israel aser Iran na tsünga ama raraba ya anendaktsütetra, ibajibo alima ajunga raksatsüba tia nung kümzüker asütsü.

OLEMSABANG

Nagaland Sorkar küm roker-ana tain akümer

L. Kika Pongener

(Yashi adok nungi...)

Asen Naga nung aser 'Party Manifesto' aser 'Party Ideology' tangatetba kecha mali, oda Political Party ka nung Primary member aser Active member akümbaji party ticket ammer election-i aitsüba atema dang akümba amai dang agir. Tangarbo Political Party ka nung adenbaji, Party manifesto & ideology nung langka tajung chitetba agi dang adener, saka asen Naga nung Election-i aitsü atema Party ticket angutsü atema dang adener amai mapa jagi sayur. Ajiser, Election temerbo ano pei zükloknudak zükloksü ta dang angatet ama nuburtem-ibo bilemer. Tang 14th Legislative Assembly Election sulena opposition maliba sorkar nung adentsü lemtetba mechi nung, Party karbo Central leader-temi anentsüba 'Dissolved' sutsüba-a angazüka denjia aruogo. Ano tawa Nationalist Congress Party (NCP) MLA ajunga NDPP Party nung oa züklokba (Merged) otsü/osang osangkaket nung nguogo. Aji oda, asen Naga lima nungpo Party ka songjen 'Rulling Party' nung oa züklokbaji otsü tasen kabo masü.

Asen Naga nung Politician-tem aser Party lennir-tem tangatetbaji....Party ka nung dena lia, iba Party-ji jenjang mejungi kümra tatemtsü küli kar bushir tanga Party ka nung oa zükloksü. Mesura opposition nung alitsüsa kümra Rulling Party nungang oa zükloksü. Ano Politician-tem Party balala melentepa senzüdangji, Party Worker-tema teimba ka tangatetba kecha mali parnok sulen anidaka senzüba angudang nuburtem kanga sungmanger....!!! Public leader ka akümbaji küonung manger-mesangwa tsünga atema masü, anogo ishika atema masü, mesura party-i rulling nung yimsu sua ali tashi atema dang masü, mesura party MLA-baji Minister menden atar, portfolio tajung ammer ali tashi atema dang masü, saka party-ji kechi jenjang nung lidir liang, rulling nunga liang, opposition nunga liang, party ideology & manifesto nung akang-akanga ammeter masetshi-i nokdaktsüla. Naga Peoples Front (NPF) Party-i term ana tashi atong-atonga yimsusua arur, tang term ana-ase msh jenjang mejungi aküm nung, MLA-tem aser party worker teimba kati party toktsür aobaji kangasa tesungmangtsü-ka lir. Asen Naga nung Politician-temi politics iba tashi dang asayatetba angudang nuburtem kanga sungmangseter....!!!

Tatishitsü ka....NDPP & BJP Party ya jenjang mejungi kümra, MLA-tem aser Party worker-tema aikati Party toktsür tanga Party nung oa adentsü asü....??? Congress (I) Party jenjang junga aliba mapang Naga nung Politician-tem Congress (I) Party nung dennur aika liasü. Political Party ka tashi-ita nokdaka alitsübaji 'Elected Member' & 'Party Worker'-tem dak tuluka keta lir.... Elected Member-tem & Party worker-tem ajaki pei akokba tashi (Capacity) yari Party tashi aitsü atema meranga inyakra party-ji tashi aitsü. Tangar linuk nungpo MLA-temji opposition nung suaka masetshi-i nokdaka alitsü aser sorkar jagi nuburi yimlaba ama yimsu mesutetra, opposition party-tem longjemer sorkar atsüngdoktsü atema asa-lendong balala yanglua sorkar tasen melentsü, mesura lennir 'Leadership' melentsü aser sorkar-ji tashi taitba yanglushir..... Saka asen Naga lima nungpo Party ajak Rulling Party sulen sena-sena anidakba ya angudang nuburtem kangasa sungmangseter....!!!

Anungji Politician-tem dak nungi nuburtem taginubaji....Politician kaji pei ajungtsü dang bushir masütsüla. Politician kaji tajangzük aser maangka dang bushir masütsüla. Politician kaji mela-mela sepla-sepshiba masütsüla. Politician kaji pei lima meimba aser nubur taginuba angatetba asütsüla. Jokorla, nuburtemi opposition maliba sorkar agi laaktetogo. Nuburtemi tatar-temji nubur atema jembitsü aser inyaksü atema shimtet. Anungji nubur taginuba atalokdakja yimsu asütsüla. Nuburtemi opposition maliba sorkar agi laaktetba küliji.... Sorkar anema nuburtemi lungkat aitba aser ola adokba yagi tejangja sayur.

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger agateta agitsü mepishir**

AOLI COUNSELOR

ASENTENSHI & ANGAZÜKSHIBA

*Omen : "Molushidi"*Anogo : Chiteni 11-13, 2025
Tesentepdak : LONGSA BAPTIST AROGORev. Dr. Moa Imsong
Counselor, DABA

Rev. Kilang Jamir

Tsüngremer sayatenya agi dang Jimmy Swaggart kümzüksü



Jimmy Swaggart aser pa kinüngtsü na den kinüngertem tangokba noksa nung angur.

temelungjang tashidak atua liasü. Pa süchia aoba sülen shia maru, anungji künat melentepa teku nema aliba mapang nung EMT tonga aru," ta Donnie Swaggart-i metetdaksü.

"Parnok teyari ajanga pa tajungba aküm. Tang pa ICU nung lir aser Tsüngremer sayatenya medenibo pa mekümzüksü. Ajisüaka onoki Tsüngrem dak dang tamang akar. Onoki mapang tetemsü nung telemteba agitsü, saka tang atemabo Kibubai mapa inyaksü ta imlaa atar," ta paisa metetdaksü.

Hombarnüa Jimmy Swaggart indang Facebook page ajanga, "Pa temang tajungba makümer; kasa dang lir. Nenoki pa atema maneni sarasademjang aser Tsüngremi sayatenya inyaksü ta amangang. Ajak dak alia onoki Kibuba melung süang ta sarasademer," ta metetdaksü.

Swaggart ya Family Worship Center Church nung senior pastor inyaker aser Sonlife Broadcasting Network nunga tongti.

Paisa Jimmy Swaggart Bible College-a tenzüka liasü.

1955 küm nungi Tsüngrem tenzüka wadang nung ajemoka inyaksang Jimmy Swaggart-i kaket 60 dak tali zülüogo. Pa ya kentener tajung ka aser pai osangtajung kensep 60 adokba den külemi pa indang recordings million 17 jungnüa yokogo.

June 17, 2025: America nung kanga nüngtugu televangelist, Jimmy Swaggart temelungjang tashidak agi tera agi dang masü; Tsüngremer sayatenya agi dang pa kümzüksüa akok mesüra süadoktsü, ta par kinüngertemi metetdaksü.

1971 küm pai television ministry tenzüka liasü.

June 16, 2025 nü Jimmy Swaggart'er jabaso, Donnie Swaggart-i sangdong ka ajanga Baton Rouge, Louisiana nung aliba Family Worship Center Church nung züngsemtem nem

iba osang metetdakja liasü.

Donnie Swaggart-i, "Onoki teti agia ozü nija timtem tangar den melemsateper. Ozü nija timtem atema onoki tangar nem khuret magütsür. Kibong nung taküm yipru ajurudang onoki teti tasü itta tizükteta aruogo, ajisüaka tang yabo khenyongi balaka," ta metetdaksü.

Jimmy Swaggart ya tang arrshi küm 90 lir.

"Tanep (June 16) 8:00 ako meta Gabe (Donnie'er jabaso) küna ozü tsürabur kidangi ilonga ao, kechiyong kübu

Chhattisgarh nung Hindu nungertemi Khristan kiyimba sentong ka amak

June 17, 2025: June 11, 2025 nü Chhattisgarh nung Raipur district kübok yimtsüng ka nung Hindu yimsü alia amangertem telok kati Khristan kiyimba sentong nung adenertem amakdang nisung aika yirutsüogo, ta International Christian Concern-i metetdaksü.

Hindu nung telok jagi gari-a aika raksatsü.

Pastor ka kinünger kiyimba sentong tagidak mapang nung Hindu nungertemi amakba ajanga kinüngertem akanga aoksatepa liasü.

Kinüngertem tetsübu nung takdang nung atsük. Kiyimsangji lenmang balaka leni jena ao aser kiyimlajia anasa aliba alu kati jena oa atsüka liasü.

Lokti jagi gari ka nung petrol shioktsür mi tsükloksütsü meranga liasü. Parnoki gari aser motorbike-a aika raksatsü.

Kinüngertemi teyari bushia police station bushia ao, ajisüaka police-i security agütsütsüa nübo peria mali ta ashi.

Tasüngnep kiyimsang tebu kiyimba sentong nung amshiba osettem meyipa agütsütsü

atema yimdaki tanaben ao, ajisüaka kasa lokti jagi pa den tangar ana dak kanga mejungi azükba sülen tang par asemprong hospital nung mongdar.

Iba tatalokba osang angashia Chhattisgarh nung Khristantem kanga jashir.

Taoba hopta nung ang Rashtriya Christian Morcha (RCM)-i ayongzükba longkak aitba sentong ka nung Chhattisgarh nunga Khristantemi shilem agia liasü.

India nung Khristantem anema inyakba aser Khristantem

ANOGO ABEN TSÜNGREM DEN

Tatsübaleni Tatidangdaksü

Idangji Abisahai Dawid dang ashi, "Tanü Tsüngremi ne tsükchir ne ket nung bendanga agütsüogo: Anungji tang ni ne dang mepishir, Nü jagi ali nung tsüngloka ni pa dak ken dang tsüngdi aser ni tanabenbo pa dak matsüngtsü. 1 Samuel 26:8.

Ne taküm alizüng nung ken ken tatsüba leni aotsü na atitangtsü akok. Dawid aiben tatsübaleni aotsü atitang aser tatem nung pai chuba menden agi. Ainkar Samueli Dawid chuba asütsü ta totzü mezüja shimtet (1 Samuel 16:12-13). Pai Tsüngremer mapang ataa alidang, Saul chuba yimli nung lendong bener aruba pai ngua liasü. Sauli Dawid tepsettsü merang, pa jena aotsüsa aküm.

Dawid jenshia aliba mapang, pa dangi mapang tajung ka aru. Dawidi Saul teimla makaba jenjang ka nung angu, pa army den mejanger liasü. Abisahi Saul tepsettsü Dawid dang asüngdang. Ibai abensaa angatettsüba mapang ka liasü. Sauli aiben Dawid tepsettsü merang. Dawid chuba süidaksütsü ni bilemer ta Tsüngremi ashi. Pai mapangji pa teka nung agir, pa jenshia aliba mapangji tatembang kati arua Tsüngremi mezüja shimtetba chuba ka ama chuba menden nung amentsü mapang aru. Saka pai chuba mendenji aginüa aser aji agitsü pa temeten lir ta metetta liaka pai Saul dang tsüngchir süa aliba meindoknü. Pai Saul chuba tepsettsü memela. Tsüngremi tuyuba lenmang nung mesüra tanga lenmang nungi pai mulungba ataloktsütsübaji tamakoktsü.

Ne dangi kasa tatitangji arutsüa akok. Ne tembar tajungi ataa meli-i yakta Tsüngremi mulungbaji ataloktsütsü ajungshitsü akok. Tatembang jagi tetenzükba melentsütsü ta bilema nai tia mapangji dang azüoktsü merangtsü akok. Tsüngremi atatsüba mapangji iba mapang ya lir.

Tsüngremi na jenjang ka tongtsütsü renemtsütsü akok, mesüra tanga lemang ka tuyutsü akok, saka mapangji ano matong asütsü akok. Ne mulungjang mita liang. Tsüngremi mulungba nung aotsü tangar ajanga ne tsüngchiba teraksadaksü.

Benue State nung Khristan 200 dak tali tepset: ACN

June 17, 2025: Tawa Nigeria Khristantem Islamic teloktemi kübok Benue State nung amak aser kiojen aika Islamic telok balalai Khristan rondoktsü, ta metetdaksü.

200 dak tali tepsetogo, aser iba Islamic telok balala nungi tatalokba ya region nung züngsemtemi St. Joseph's khenyongi nisung teimtiba Church Tenla kidangi atutsü tepsetba lir, ta Khristan charity merang, ajisüaka police-i telok kati metetdaksü. nokdangteta liasü. Iba Tenla kidangji internally displaced

Hombarnü Aid to the Church in Need (ACN)-i report ka ajanga, Fulani Muslim people (IDP) 700 dak tali nungertemi timtem agütsüba jenoka lir, ta local pastor temi metetdaksü.

ajanga jenshia aliba (Maneni tapak 8 nung...)

Raigarh nunga Khristan 300 shi Ramlila Maidan nung adenshir longkak ait. RCM Chhattisgarh tatong tir Rev. Dharam Sai Sarthi-i iba sentong nung shilem agirtem dang pelaba lemsatepa liasü.

RCM lenirtemisa, linük nung Khristantem anema inyakba maneni atalokra July 1 nü linük tesem ajaklen "Bharat Bandh" ayongzüksü, ta metetdaksü.

Bharat Bandh ji RCM National coordinator aser BAMCEF Tir Waman Meshram lenisüba nung agitsü, ta RCM-isa metetdaksü.

AO OSHI ANGAZÜKDAK:
TANÜ ANGAZÜKTSÜBA OJANG



Tenyim

(adj) alu balala (different field)

* Tanü asüng kaketshirtemi tenyim balala nung mapa inyak angazüker.

Tenyu

(v) ken atentsü sayuba (teach to sing)

* Chubalai onok dang ken tajung ka tenyu.

OLONG PAITEP # 7185

	1		2		3			4		
	5		6							7
							8			
9		10								
11									12	
					13					
				14						
15										

TIPIEN

2. Taküm nung atura mapang

- (8)

5. Perir anüngba

- (6)

8. Iba mapang

- (4)

10. Tetsüng nung shilem ka-

(7)

11. T _ _ _ _ en

- (4)

14. Tetenzük

- (6)

15. Moko achiba oset

- (8)

LANGTSÜNGLEN

1. Joko ojang

- (5)

3. Kibong raksa

- (4)

4. Jongdak

- (6)

6. Temang aremdak

- (5)

7. Yagi ozü apur

- (4)

8. Chiyungsü asangba tzü

- (5)

9. Tekolok meshitak

- (4)

10. Tenük-telen majung

- (6)

12. Ajiteter

- (5)

13. Tebur tanur dang ajaba

- (4)

OLONG PAITEP # 7184 TELANGZÜBA

TIPIEN :

1. Aben, 4. Artsü, 7. Lisem,

8. Liwa, 9. Sarasadem,

12. Aket, 14. Mangu,

15. Anünü, 16. Ango.

LANGTSÜNGLEN :

1. Aruli, 3. Balala, 5. Suwar,

6. Belem, 9. Süjak, 10. Aonung,

11. Dokan, 13. Tinu.

NAI-A YA METETTER MA

Alima nung timtiba ayokba kaket ter:

1. Bible- copy billion 5 nungi 7

2. Chairman Mao Tse-Tung quotations (Little Red Book)- copy million 900

3. The Quran- copy million 800 nungi billion 3 tashi

4. Don Quixote by Miguel de Cervantes- copy million 500 shi

5. A Tale of Two Cities by Charles Dickens- copy million 200 dak tema

6. The Lord of the Rings by J.R.R. Tolkien- copy million 150 shi

7. The Little Prince by Antoine de Saint-Exupéry- copy million 140 shi

8. Harry Potter and the Sorcerer's Stone by J.K. Rowling- copy million 120 shi

9. And Then There Were None by Agatha Christie-i copy million 100 shi

10. Dream of the Red Chamber by Cao Xueqin- copy million 100 shi.

Kuki-Zo teloktemi camp 7 shibangtsü mulunga agizükogo

Imphal, Aami/June 17 (Agencies): Ministry of Home Affairs (MHA) aser Kuki-Zo telungpur teloktem nungi lenirtemi June 16 nü Manipur nung item telungpur teloktem yagi achaayanga aliba camp kar shibangtsü mesüra belener aotsü mulungtepogo.

Sorkar ketdangsür tejen kati iba osang ya jangjatsüogo aser ashiba agi, prangbong aser hadir balala auyar or aliba meyiptsütsü aser tongtimbang national highway tem nung gari senzüdaktsütsü atema telemtetba agiogo.

Security agency temi, Meitei nunger aliba tesem anasa amenoka aliba camp 14 nungi tenet shibangtsü atema benokogo. Ketdangsürtemi ashiba agi, tensa mejungi aliba tesemtem nung mangatettep adokba tajemba kümdaktsütsü

asur security dak sendakba nung tesendaktep tajungba kümdaktsütsü nükjidong nung item camp tem shibangtsü benokogo.

Küm ana sülen Suspension of Operations (SoO) pact kübok Kuki-Zo teloktem nungi lenirtemi June 9 nü nungi Centre sorkar den sensaksem tenzükshia liasü.

February 29, 2024 nü tripartite SoO chirepba sülen tang iba sensaksem agiogo. Manipur sorkari iba accord nungi atsünginba sülen sensaksem chirepa liasü.

"SoO pact yanglushitsü atema mapang atakzükba sangdonga mali," ta sorkar ketdangsür kati ashi.

Hombarnü sensaksem ya temzüng ozüng lepa reprangshitsüba dak rangloker agiogo aser telok anapronglai

temelenshi kar atema mulungtepogo, kong telungpur camp kar shibangtsüba aser National Highways 2 aser 37 lapokshitsüba densema liasü.

Item highway tem ya Nagaland aser Assam den Imphal Valley sendakteptsü atema kanga tongtimbang lir, koba Kuki-Zo tesem ajanga aorer.

United People's Front (UPF) aser Kuki National Organisation (KNO) den züngoksema aliba züngsem 2,200 shi Manipur kübok tenem nung aliba district tem nung officially designated camp 14 nung lidar. Taoba küm kin o kin tsüngda mangatettep adokba sülen ketdangsürtemi item züngsemtem nem itashia stipend 6,000 agüja aliba magütsüi arudar.

Arunachal nung NPP MLA 4 PPA nung denogo

Itanagar, Aami/June 17 (Agencies): Arunachal nung National People's Party (NPP) nungi MLA pezü state indang regional party People's Party of Arunachal (PPA) nung denogo.

MLA Namgey Tsering, Pesi Jilen, Tapi Darang, aser Oni Panyang nunger PPA nung denogo aser iba ajanga Arunachal Pradesh Legislative Assembly nung party tashi itshidaktsüogo. 2024 küm state assembly elections agiba sülen küm ka dang lir iba temelenshi adokogo. 2024 küm election nung NPP-i menden pongu aser PPA-i menden ana koka liasü.

Namgey Tsering-i Tawang constituency nung BJP candidate Tsering Dorjee tsükdaktsü aser Oni Panyang-i Mariyang-Geku nung BJP

candidate Olom Panyang tsükdaktsü. Pesi Jilen aser Tapi Darang natia BJP lenir Nyamar Karbak aser Kaling Moyong na tsükdakja liasü.

Parnoki ajungbena party melenshiba ajanga NPP pur MLA (Thanwang Wangham) ka dang kümogo, shiba party indang state tir lir.

PPA tir aser MLA Nabam Vivek-i lenir pezü ya pelashishia agizükogo aser par pezü kecha tenangzüktepba meyui party nung denogo, ta ashi. "Onok lenir dak tamang ayuba atema ni MLA pezü nem tenüngsang agütsü. MLA trok ajungba sülen onoki onok constituency tem tajungba tenzükttetsü aser terenlok maparen atema sendaktepa inyaktettsü," ta Vivek-i ashi. Paisa, PPA-i maneni Chief

Minister Pema Khandu kübok state nung BJP-i aniba sorkar nongita yaritsü ta ashi.

Tawang MLA Namgey Tsering-i ashiba agi, state nungi adokba political sabang tashi itshidaktsütsü atema tejangraba aliba agi iba telemtetba agi. "Onoki NPP akümtsübur, saka onoki iba tesem tejangraba ajungkettsü atema PPA shim. BJP nung adentsüba indang jembitsü karara aser onok nem maongka-a magütsü aser party melentsü kecha tebilemba mali," ta Tsering-i ashi.

Parnoki party toktsüba sülen NPP National General Secretary (Organisation) Paknga Bage-i kanga tezü adangba lemsatepba den iba ya mimlai aliba tashioktsüba ka ta ashi.

Manipur: Valley district ana nung prangbong injang aika ngutetogo



Imphal, Aami/June 17 (Agencies): Manipur state police aser central security forces tem senteper Hombarnü tesem balala meita aoba mapang prangbong ter den bomb, injang aser tanga hadirtem aika ngutetogo.

Meita aoba sentong ya valley district ana nung ayongzüka agi aser iba ajanga iba tesem nung telungpurtemi amokmerenba sayur.

Police-i ashiba agi, Imphal

West aser Thoubal districts nung tesem balala meita aoba mapang item hadirtem nguteta liasü. Sepaitemi item prangbong injangtem ya tesem asem nung ngutet, saka nisung ka danga mapu.

Thoubal district nung Nongpok Sekmai Police Station kübok Canal anasa Leirongthel Pitra nung inyakba joint team kati prangbong injang aika nguteta liasü.

Parnoki .303 rifle ka den

magazine, double-barrel breech-loading gun ka, 9mm pistol ka den magazine nguteta liasü. Parnokisa, injang pongu, hand grenade, detonator, arming ring, stun shell, tear smoke shell aser Baofeng radio sets ana den charger nguteta liasü.

Kasa mapang nung Imphal West district nung Patsoi Police Station kübok Heibilok tesem meita aoba mapang Excalibur rifle ka den 5.56mm live round ana, magazine medeni bolt-action rifles asem, country-made 9mm pistol ka den magazine, 12 bore live ammunition kar aser Baofeng walkie-talkies ana nguteta liasü.

Patsoi Police Station küboksa Sangaithel Makha Leikai meita aoba mapang sepaitemi 7.62mm SLR rifle ka den magazine ana ngutea liasü. Sepaitemi ngutetba prangbong injang aser hadirtem ajak ya local police station tem nem bendanga agütsüogo.

Gaza nung teyari ataa alir Palestine nunger 51 Israel sepaitemi tepset



Jerusalem, Aami/June 17 (Agencies):

Gaza south tsütsü teyari oset lema agütsüba tesem ka anasa Israel sepaitemi injang khaloktsüba nung Palestine nunger 51 asü aser iba dang kanga agi tali yiru, ta tenük kuli alir aser tekumzüker temi ashir. Hamas meyong civil defence agency ajanga ashiba agi, Khan Younis nung teyari agütsüba tesem ka anasa nisung telok ka dak Israel sepaitemi injang khaloktsü. Nisung 200 dak tema asü ta ashir.

Gaza nung teyari oset lema agütsüba tesemtem anasa anogoshi ama nisung khaseta

aruba nung ibai tesashitiba alitsü südi.

Khan Younis anüdoklen World Food Programme (WFP) tesem ka nungi am angutsü teimla nung Palestine nunger meyirijang aika adenshia aliba anasa Israel sepaitemi injang khaloktsü, ta tenük kuli alirtemi ashi.

Yangji aliba osangbener ka aser tenük kuli alirtemi ashiba agi, Israel nunger indang drones nungi missile ana khaloktsü aser iba sülen nisung telok nungi metre 400 aser 500 tsüngta pilar aliba Israeli tank kati injang tulu khaloktsü.

Nisung telok ya Bani Suheila jila leni aoba tongtipang lenmang ka anasa adenshia liasü, kong hopta aika Israel mitkar temi operations tagidak lir.

Iba tesem nung tang tashi lapoka aliba mozüki, Nasser Hospital sünga iba lendong nung asü-amar aser yirurtem lir. Yirur alir aika atem nung mejanga lir aser medical staff temi yangji parnok anepalur.

IDF ajanga sangdong ka nung, "Khan Younis nung tesem ka aser iba tesem nung aliba IDF sepaitem anasa aid distribution truck ka alidak nisung telok ka adenshia alidak amak," ta ashi.

IDF-i injang khaloktsüba nung nisung aika yiruba osang angazüka lir aser iba tatalokba reprangshiba mapang lir ta ashi.

Israel-i chiyongtsü ya nok-nü ama amshir ta Hombarnü UN human rights chief Volker Turk-i ashi aser teyari agütsüba tesem nung nisung khasetba bushisüngdangtsü ayongzüka liasü.

Russia-i Kyiv amakba nung nisung 15 asü, Ukraine-i aitsür

Kyiv, Aami/June 17 (Agencies):

Russia-i missile aser drone amshia amakba nung nisung 15 tepset aser 116 yiru aser asü-amar ya yimba Kyiv nungi lir, ta Ukraine ketdangsür temi ashir.

Hombar aonung nungi Mongulbar anepdang tashi anünglen nungi Ukraine yimtiba nung tesem 27 amak aser iba mapang nisung aliba ki aser tongtipang ki o jen raksatsü, ta Interior Minister Ihor Klymenko-i ashi.

"Tanü, tsükchiri drones aser missiles ajak amshi," ta Klymenko-i ashi aser ibai Russia-i February 2022 nungi tenzüka tashi ajak amshia par linük amakba nung Kyiv dak tesashitiba amakba rongnung ka alitsü ta ashi.

Residential block ka nung apartments 30 samatsü, aser emergency services temi ki o jen raksar alidak takum alirtem bushir, ta pai ashi.

Kyiv indang Sviatoshynskiy aser Solomianskyi district tem nung nisungtem yiru, aser yimti tesem ana nung mi adok, ta Mayor Vitali Klitschko-i ashi.

Iba mapang United States senso ka asü, ta Klitschko-i ashi. Canada nung Group of Seven (G7) summit aliba mapang Russia-i ammag tepiyong maka liasü.

Iba senden nung Ukraine Tir Volodymyr Zelenskyy ya Mongulbarnü oa adentsü lir.

Kyiv nung yamai amakba ya mapang apir inyakba lir aser ibai US Tir Donald Trump mezüngmeshiba lir, ta Minister

of Foreign Affairs Andrii Sybiha-i ashi.

"Putin-i ibai nükjidong ka nung inyak, G7 summit aliba mapang. Nisung tepsetba tembangtsü atema United States aser danga partners temi ayongzüka mezüngmeshi temaitsü ka lir," ta pai social media nung ashi.

Trump-i Ukraine yaritsü aser ceasefire ka nung mulungteptsü asoshi Russia Tir Vladimir Putin tali ajungshidaktsütsü asoshi Zelenskyy-i kanga meranger.

Russia tiri G7 lenirtem tashi mait ama kumdahtsüner, ta Sybiha-i ashi.

"Moscow asoshi mera tesashi agia aser shidakba nung ajungshiba ajanga dang pa tai ta sayutettsü," ta diplomat-isa ashi.

Moscow-i Hombar aonung amakba ya tesashitiba rongnung ka lir ta Zelenskyy-i ashi aser Putin-i ano maneni raratettsü asüba yong yamai inyaker ta sangdong.

Trump-i ajungshia Russia aser Ukraine ya anaben tashi rara anena atatsü asoshi indang-indanga jembishinüa lir, saka tepuokdak alirtem melentepba aser tasümag agütsüba dak alaka terenlok kangabo mali.

Kasa mapang Ukraine-i June 1 nü Russia linük telung nung maka Moscow indang heavy bomber fleet timba raksatsüba sülen Russia-i bomb pokloktüba tali akumer.

Tang tesüsa amakba nung Russia-i drones 175 aser cruise

missiles 14 dak tema amshia liasü, ta Kyiv ketdangsür temi Telegram nung ashi.

Black Sea rongnendak yimti, Odesa nung ano amakdang nisung 13 yiru ta yangji aliba ketdangsür temi ashi.

Russia indang Ministry of Defence ajanga Mongulbarnü ashiba agi par indang air defence units ajanga Russian territory nung Ukrainian drones 147 anünglak nun glia raksatsü.

Ukraine-i par air defence asoshi anüölen linüktem dang teyari meshiba mapang Russia ya China, Iran aser North Korea nungi nok-nü bener arua amshir ta temulung melemi lir.

Pyongyang den Moscow tesendaktep tali akuma temaitsü Putin indang top security adviser Sergei Shoigu ya North Korea lenir Kim Jong Un den jembishinü akatsü atema Mongulbarnü Pyongyang-i ogo ta ashi.

North Korea yagi Russia nem ballistic missiles, antitank rockets aser injang million aika agütsüogo ta temulung malemer aser Russia arütsülen Kursk region nungi Ukraine sepaitem den raradang sepai meyirijang aika süogo ta ashir.

Hopta ana majungdang Shoigu-i North Korea tanaben semdang alitsü aser ibai Moscow aser Pyongyang tesendaktep maneni takangba akumba temaitsü ka ama ajiteter. Kim aser Putin na taoba küm strategic partnership treaty ka zülutepa liasü aser yangji mutual defence pact ka dena lir.

GOVERNMENT OF NAGALAND
OFFICE OF THE DIRECTOR GENERAL
HOME GUARDS, CIVIL DEFENCE
&
STATE DISASTER RESPONSE FORCE
NAGALAND, KOHIMA.

NOTICE

Dated, Kohima the 13th June'25

NO.HG/Estt(A)-3/2021/303: This is to notify that vide Advertisement NO.HG/Estt(A)-3/2021/50 dated 14th April 2025, the provisional result and other details are uploaded in the department website (www.hgcdsdrf.nagaland.gov.in).

Sd/-
RENCHAMO P. KIKON, IPS
Director General

G7 lenirtemi Israel-Iran ceasefire
atemabo tayongzükbba magütsü



Toronto, Aami/June 17 (Agencies):

G7 linüktem nungi lenirtem Canada nung senden amenba mapang Gaza nung ceasefire densema Middle East nung mepetmesü ajemtsü ajungshi saka Israel aser Iran tsüngta ceasefire alitsü atemabo mashi.

Iba sangdong nungya US Tir Donald Trump-i meyongnem agüja lir - shiba senden nungi jelia ao, aser pa tebilemba mejangjai lir. Middle East nung sentong balala aliba mechi lir, ta pa indang press secretary-i ashi.

Tir-ia pa Washington-i nüngdak kar asoshi meyipa aor ta ashi saka ceasefire dak sendakba masü ta shi.

Pai Iran nunger dang Tehran nungi tekeratiba nung ainshitsü ajungshia liasü. Iba yongji Israel-i amakba nung US sepaitem adentsü südi ta bilemer, saka US ketdangsür temi yamaji masü ta ashir.

Canadian Rockies nung aliba Kananaskis nung alima lenirtem adenshiba nung Middle East rara indang tebilemtsü agi sünga lir.

Trump-i Canada yutsür aoba mapang lenirtemi sangdong agütsüba nung, Israel par sasa par kumzüka alitsü temeden lir, aser Iran ya kiralongra adokdak aser yangji nuclear nok-nü malitsüla ta ashi. Middle East nung mepetmesü ajemtsü asoshi pangzüng ka yanglutsü parnoki ayongzüka lir.

Kuli kar mechi ni kera aotsüsa akumer, ta Trump-i Canada nungi aodang

osangbener dang ashi.

Pai ani mapang tatsüka lir Truth Social nung G7 nung adener, France Tir Emmanuel Macron aitsü. Kasa tenzükeri aibelena pa ceasefire asoshi inyaker ta ashi, ta Trump-i ashi.

"Tai! Ni kechiba tang Washington-i aor pai memetet, saka Cease Fire ka atema ni kecha inyaktsü mali. Iba dang kanga agi tuluba. Asaa asü masüar, Emmanuel-i teti tai angateter. Ataa liang!" ta Trump-i zülü.

Trump kera aotsüsa akumba angateter, ta G7 lenirtemi ashi. "United States-i ceasefire ka yanglutetra, aji mapa kanga tajung lir," ta Macron-i ashi.

Trump-i White House National Security Council dang pa tonga aruba sülen ajuruteptsü totuyuba agütsüogo ta osang angazüker.

Trump iba senden nungi jelia ainshiba tetetzü pai Ukraine Tir Volodymyr Zelenskyy aser Mexico Tir Claudia Sheinbaum nunger majurutsü, shirnok iba summit tatem nü, Mongulbarnü arutsü lir.

Pai Tehran nungi nüburtem ainshitsü ashiba social media post nung, "Iran ket nung nuclear nok-nü malitsüla. Aser ni aji teti ashir," ta zülua lir.

Pai iba o post sütsür mapang tatsüka lir Mongulbar anepdang Tehran nung apokba aser heavy air defence khaloktsü, ta Iranian media ajanga ashi.

G7 senden nungya Russia aser Ukraine tsüngta raraba aser Israel aser Iran tsüngta raraba nung telemsa adokba amai angateter.

AFC Women's Asian Cup qualifiers atema India squad sangdongogo

Aami/June 17, 2025 (Agencies): India tetsür team head coach, Crispin Chettri-i Hombarnü, AFC Women's Asian Cup Australia 2026 Qualifiers atema asayar 24 tenüng sangdongogo, shirnok Thailand nung oa asayatsü.

Mezüngbuba asaya masaya tsüingda asayar 23 nungi final squad sangdongtsü. India tetsür team Qualifiers nung Group B nung Mongolia (June 23), Timor Leste (June 29), Iraq (July 2) aser hosts Thailand (July 5) den ata lir. Asayatem ya Thai Women's Football Facebook Page aser Changsuek YouTube Channel nung live stream asütsü.

Telok balala nungi temaba jenjang nung tembangba team 2026 küm March ita Australia nung asayamung atema qualify asütsü. Women's Asian Cup ya FIFA Women's World Cup Brazil 2027 atema qualifier asütsü.

Chettri aser pai aniba team Thailand Hombarnü nikongtsütsü tonga aotsü aser Chiang Mai yimti nung hopta ka training agütsü. Asayatem ajak 700th Anniversary of Chiang

Mai Stadium nung asayatsü.

India tetsür team Padukone-Dravid Centre for Sports Excellence, Bengaluru nung hopta trok camp ka kaogo aser Uzbekistan den May 30 aser June 3 nü friendlies asayaogo. Parnoki asaya anaprongla ya goal 0-1 agi mekoki liasü.

"Bengaluru nung onok renemshiba agi ni temulung süogo. Onok anogo 40 dak tema taining agi. Training ground aser facilities ajak kanga tajung liasü. Squad nung asayar tejen aser lanurtem ajak meyoktepa lir. Tia maka Karishma (Shirvoikar), Sandhiya (Ranganathan) aser Renu nunger yiruba ajanga masayatetsüsa kümogo. Pink Ladies Cup squad (February) den medemdangra tang asayar tejentem timba lir," ta coach Chettri-i ashi.

India team coach-i Uzbekistan den asaya ana asayaba mapang combination balala benoka asayadngogo aser tanabuba asaya nungbo asayar ti tashi melena asaya, kong team nung mezüngbuba asayaba asayar pongu densema liasü. Chiang Mai nung

tsüingsang yimya süpa atatsü atema India team Mongolia den mezüngbuba asaya masaya tsüingda hopta ka jelia aotsü. Iba sülen anogo pongu lir parnok Timor Leste den asayatsü.

India team:

Goalkeepers: Elangbam Panthoi Chanu, Moirangthem Monalisha Devi, Payal Basude. **Defenders:** Hemam Shilky Devi, Kiran Pisda, Martina Thokchom, Ngangbam Sweetzy Devi, Phanjoubam Nirmala Devi, Purnima Kumari, Sanju, Sorokhaibam Ranjana Chanu. **Midfielders:** Anju Tamang, Grace Dangmei, Karthika Angamuthu, Nongmaithem Ratanbala Devi, Priyadharshini Selladurai, Sangita Basfore. **Forwards:** Lynda Kom Serto, Malavika P, Manisha Kalyan, Manisha Naik, Pyari Xaxa, Rimpa Halder, Soumya Guguloth.

Head Coach: Crispin Chettri **Assistant Coach:** Priya PV **Assistant Coach:** Nivetha Ramadoss

Goalkeeper Coach: Mario Luis Aguiar **Strength and Conditioning Coach:** Chelston Pinto.

ODI rankings: Küm pongu sülen Smriti temaba jenjangi tuogo

Aami/June 17, 2025 (Agencies): India tsürtem rongnungi nüngtugu cricket asayar Smriti Mandhana ICC Women's ODI Batting Rankings nung temaba jenjangi tuogo. Lai South Africa tsür Laura Wolvaardt ajatetogo, shiba temba jenjang nung ita trok liasü.

Mandhana, shiba tatemsa 2019 küm November ita number one asayar liasü, lai rating points 727 ngua temaba jenjang nung lir aser Wolvaardt o England tsür Nat Silver-Brunt napronglai point 719 ngua tanabuba jenjang nung lir.

West Indies den tang asaya aliba ODI asayamung nung Wolvaardt-i asaya ana nung run 27 aser 28 yangluba sülen tang

rankings nung temelenshi adokogo. Lai junga masayatetba ajanga Mandhana temaba jenjangi atutsü maongka agüja liasü.

South Africa aser West Indies na tsüingda ODI asayamung nung asaya ana asayaba sülen asayar aika rankings melenshiogo. South Africa tsür Tazmin Brits-i mezüngbuba asaya nung half-century ka yangluba sülen la jenjang pongu tejakdangi tua tang 27buba nung lir.

Iba asayamung nung team anapronglai asaya kaka koker lir. Mezüngbuba asaya wicket pezü agi makokba sülen South Africa-i tanabuba asayabo run 40 agi koka liasü. Taoba South Africa captain Suné Luus-a

batting aser bowling naprongla nung jenjang melenshiogo. La jenjang tenet tejakdangi tua list anaprongla nung tang 42buba nung lir. Lai tanabuba asaya nung run 76 yanglua liasü.

West Indies opener Qiana Joseph-ia mezüngbuba asaya nung run 60 yangluba sülen jenjang 12 tejakdangi tua tang 67buba nung lir. Bowling rankings nunga spinners Afy Fletcher aser Nonkululeko Mlaba na jenjang melenshiogo.

Fletcher aser Mlaba napronglai tanabuba asaya nung wicket pezüzü agi aser tena jenjang 19 aser 23bubai tuogo. Bowlers' rankings nung Fletcher jenjang pezü aser Mlaba jenjang trok tejakdangi tua liasü.

Aryna Sabalenka-i Coco Gauff dang tatok meshi

Aami/June 17, 2025 (Agencies): World number one Aryna Sabalenka-i French Open final nung Coco Gauff makokba sülen o jembiba dak sendakba nung lai Mongolbarnü tatok meshiogo.

Roland-Garros final nung Sabalenka ya Gauff-i set asem nung koka liasü. Gauff-i set ka mekoki aliba nungi meyipa tur asaya koka mezüngbuba French Open title bena liasü.

Eurosport Germany den jembiba mapang Sabalenka-i, asaya 6-7 (5), 6-2, 6-4 agi makokba sülen la tebilemba lemsatepba tai liasü, ta ashi. Paris nung asaya tembangba

sülen press conference nung o jembiba mapang Sabalenka-i, Gauff-i junga asayaba agi masü saka lai aibelen aika menaba ajanga asaya makok ta ashi.

"Iba o jembiba tu kanga unprofessional liasü. Ni kü emotions nem ni koktetdaksü. Iba mapang ni kechi jembioigo iba atema ni kanga sasar. Asenoki khen khenbo aibelener. Ni meimchir ka dang aser taküm nung tangazükba mapang lir. Asenok ajaki asensasa mazüoktetba anogo ajangshir ta bilemer. Ni shinübjaji ni mapang tatsüka lir Coco dangi züluogo," ta Sabalenka-i ashi.

Iba asaya nung Sabalenka-i

winner 37 angu saka unforced errors-a 70 mena liasü, koba Gauff-ibo 30 dang mena.

Lai ashiba agi, Gauff dang tatok meshitsü atema lai züluogo aser lai iba asayamung akoktsü langa liasü aser lai la akümtsübur ta metetdaksüogo.

"Ni la anema jembitsü kecha tebilemba maliasü. Ni kanga emotional liasü aser press conference nung kangbo sangra mejembitet," ta laisa shisem.

Grand Slam asem tashi koker alila Sabalenka-i 2023 küm U.S. Open final nunga Gauff makok. Iba asaya nunga lia mezüngbuba set bo koka liasü.

Brighton-i Italy aser Verona defender Coppola alizükogo

Aami/June 17, 2025 (Agencies): Brighton-i Italy aser Hellas Verona centre-back Diego Coppola alizükogo. Ajisüaka pa sen kwi agi alizük iba indang osang tejangja magütsü.

Arishi küm 21 tain asayar yagi tang tashi nung Italy team nungi anaben asayar lir aser pai Brighton den küm pongu atema tenangzüktepa yangluogo.

Defence nung asayasang ya 2021 küm Verona nung mezüng asaya liasü. Pa iba club indang academy nungi anitetba asayar ka lir.

Pa iba club nungi 81 ben asayaogo aser iba mapang goal pezü tashi idakja liasü, kong taoba season 35 ben asayaba mapang goal ana idaktsüba densema lir.

"Diego club nung adenba ya jangrademtsüka lir," ta Brighton head coach Fabian Hurzeler-i ashi. "Pa tanur dang süaka aso talang, tashi tait aser kanga yakyka arakzüa asayateter anungji pai onok nem aküm ka agütsütsü.

"Pa Seria A nung kanga renloka asayaogo aser Italy national team nungi asayatsü atema temsüa liasü," ta paisa ashi.

Coppola tang European Championships nung Italy indang U21 team nungi asayadar. Iba asayamung ya tang Slovakia nung tasayadak lir.

Olympiakos nungi lanur forward Charalampos Kostoulas pound million 29.8 agi alizükba sülen Brighton puri tang Coppola alizükogo.

INDIA OSANG :

Tapak 3 nungi...

Assam: Gas leak asüba agi kongshir...

Kasa mapang nung regional organisation Bir Lachit Sena-i Mongobarnü Sivasagar nung SK Petro Services indang office longbanger lendong agi kongshir alirtem nem temenok agütsütsü takhangba agüja liasü.

"ONGC-i temenok agütsütsü. Ajisüaka iba firm yagi teka metsüker dangbo metoktsütsüla. Parnoki iba tesem nung alirtem nem teyari agütsütsüla," ta Bir Lachit Sena lnir Srinkhal Chaliha-i ashi.

ONGC-i Hombarnü ashiba

agi, parnoki gas leak asüba nokdangtsü atema tajangshiba timtiba bener aliba crisis management team yokogo.

District administration-i ashiba agi, mepung menenba ya tang tashibo kanga majungbo masü aser Pollution Control Board, Assam local office-i tensa kanga junga asadangdar.

ONGC ketdangsür kati taoba mapang ashiba agi, iba well ya crude well tejen ka liasü aser gas pokteta matok tsüingda zone transfer atema inyaka liasü.

KHRISTAN OSANG :

Tapak 5 nungi...

Benue State nung Khristan 200 dak tali...

Khristan 500 shi amoi oa lia Islamic züngsemtemi kiojentem nung mi senoktsüba sülen injang khalokja liasü.

ACN den jembidang Arogo nung putir, Ukuma Jonathan Angbianbee-i, "Onoki injang ola angashiba aser kiralongrartem anguba sülen onoki Kibuba nem dang taküm bendanga agütsü. Tanepbo ni taküm aliba atema Tsüngrem nem tenüngsang agütsür," ta ashi.

Kiralongrartemi Arogo kiojen nung injang khaloktsüba mapang nung Khristantemi taküm kümzüksü atema atem nung mejanga liasü.

Angbianbee-i, "Ni tenük agi anguba tatalokbatemji tetsübutsüka liasü. Nisung aika tepset aser tesem ajaklen tasü mang liasü," ta ashi.

Honibarnü iba tatalokba nungji nisung 100 shi asü aser noklang aika yiru. Iba dak alia nisung aika samaogo.

ACN-i ashiba agi, iba tatalokba nung asürtemji nisung 100 shi asütsü ta mezüng asadangteta liasü, ajisüaka Diocese of Makurdi indang Foundation for Justice, Development & Peace-i osang tejangja bendenba ajanga Khristan 200 shi asüba jangjaogo.

ACN-isa, "Region nung tang tatalokba ya tamajungtiba lir, kechiyong khenyongi nisung jenti tepsetogo. Region nung Khristantem amakba kanga bulua kümogo aser Islamic kiralongrartemi Khristantem ajak meindoktsü nükjidong nung amaker," ta metetdaksü.

Taküm January ita nung Global Christian Relief report ka ajanga, 2022 küm nungi 2024 küm tashi nung Islamic kiralongrartemi Nigeria nung Khristan 10,000 jungnüa tepsetogo, ta metetdakja liasü.

BILEMDANGANG

"Asenoki takok nungi masü saka tamakok nungi angazüker."